

MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI
MOI MOI MOI

Meertmoand Streektoalmoand 2023

ACTIVITEITEN LEDDER

Meertmoand Streektoalmoand! De moand meert staat ook dit joar weer ien t taiken van de streektoal. Ien Grunnen vieren wie t Grunnegs mit verschaaiden lutje en grote activiteiten, optredens en festiviteiten: theaterveurstellens, literaire veurdrachten, streektoalmeziek, lezingen en nog veul meer – en dat aapmoal ien t Grunnegs! Ien dizze Meertmoand Streektoalmoand Ledder lichten wie n aantal activiteiten veur joe der oet. Kiek veur t actuele overzicht van streektoalactiviteiten ien meert op cgtc.nl

Festival/Literatuur

Grasnapolsky: En je noemt het / het grensland

Van 10 tot 12 meert strikt de tiende editie van festival Grasnapolsky deel bie Fabriek De Toekomst ien Scheemde. Op t gebied van locaalsietheater en spoken word presenteert Grasnapolsky n aantal unieke projecten waaronder En je noemt het / het grensland. Ien soamenwaarken mit NOORDWOORD en Grunneger en Duutse spoken word artiesten wordt ien de week veur Grasnapolsky oetpluust hou streektoal n stee verovern kin ien de hedendoagse dichtkunst en op t festivalpodium. Onder laaiden van spoken word-dichter Dean Bowen, en ervoaren streektoalperformers as dichter Fieke Gosselaar (streektoalconsulent CGTC) en singer-songwriter Bert Hadders, wordt waarkt aan n noagelnije performance dij ien première gaat op t festival.

PRAKTISCHE INFERMOATSIE:

Vrijdag 10 t/m zondag 12 meert
Fabriek De Toekomst ien Scheemde

Koarten: Deurlopend veur alles: vanòf € 117,50 dagkoarten vanòf € 30

Meer infermoatsie en t haile pergram: www.grasnapolsky.nl



Verhalenvertellers

Verteloavend De Pazzipanten

De Slochter vertelgroep De Pazzipanten organizeert op 14 meert n verteloavend ien t MFC De Houtstek, bie t hoaventje ien Slochteren. Laifhebbbers van verhoalen en van t Grunnegs binnen van harten welkom: de verhoalen worden benoam ien de Grunneger taal verteld. Tiedens dizze verteloavend treden zes verhoalenvertellers op, waarvan drij vertellers veur t eerst t podium betreden zellen. Dizze nije vertellers hebben onlangs n korte cursus verhoalen vertellen volgd bie De Pazzipanten.

PRAKTISCHE INFERMOATSIE:

t Begunt om: 19.30 uur (zoal open 19.00 uur) tot 21.30 uur.

Stee: MFC De Houtstek, Hoofdweg 9A Slochteren.

Der is meer as genog parkeergelegenheid bie MFC De Houtstek en je kinnen der makkelijk kommen mit ov (bushalte lien 178 veur de deur).

Tougang: € 5 soamen mit kovvie of thee mit kouk (contant betoalen).

Meer waiten? Tel: 06-15634596

Lezing

Erfgoed aan tafel – Grunneger taal en aarfgoed ien de oldernzörg

Erfgoedpartners organizeert noa n aantal joaren òfwezegheid weer n Erfgoed aan tafel mit lezingen over aarfgoed. t Onderwaarp is diskeer Grunneger taal en aarfgoed ien de oldernzörg. Sprekers binnen Ellen Havinga van Erfgoedpartners en prof. dr. Jenny van Doorn (RuG). Ellen Havinga vertelt over de betaikenis van cultureel aarfgoed veur de gezondheid van oldern ien langdurege zörg. De oldern namen dail aan t project Reizend Erfgoed. Jenny van Doorn vertelt ien hur lezing over sociale robots dij personeelsgebrek ien de oldernzörg helpen oplözzen. Mor ook over de terugholdenhaid van oldern tegenover dizze techniek. Socioale robot Wieske sprekt Grunnegs. Zellen oldern Wieske wél eerder vertrauwen en accepteren?

PRAKTISCHE INFERMOATSIE

Datum : 17 meert 2023 van 16:00 uur tot 19:00 uur

Stee: Deupsgezinde kerk, Oude Boteringstraat 33, Groningen

Tougang: lezingen: vergees, maaltied € 15,- p.p.

Aanmelden via info@erfgoedpartners.nl.

Meer waiten? Kiek op www.erfgoedpartners.nl





Festival/Muziek

Laidfestival Winterraaize van Schubert

Tiedens de eerste editie van t laidfestival Winterraaize op zotterdag 18 meert staait Schuberts Winterreise ien de schienwaarpers, mor din ien t Grunnegs. Sikkom vieftien zangers treden op en brengen op heur aigen wies de Winterreise-liederen, vertoald ien t Grunnegs deur Jan Siebo Uffen, veur t geheur. De optredens worden muzikaal begelaaid deur pianist Cas Straatman. De zangers kriegen n oordail van n deskundege jury van ervoaren beroepszangers.

Laidfestival Winterraaize is n initiatief van Stichting Muziek en Scholing i.s.m. Centrum Groninger Taal & Cultuur (CGTC), en wordt mit meugelk moakt deur de Kunstraad Groningen.

PRAKTISCHE INFERMOATSIE:

Zotterdag 18 meert,
t begunt om 20.00 uur

Tougang: € 5 veur publiek

Witte Kerkje, Jachtlaan 11 in Haren

Meer infermoatsie is te vienden op muzikenscholing.nl/winterraaize



Feestweek

Grunneger Weke in Westerwolde

2020 ging t nait deur, en ien 2021 en 2022 ook nait. Mor dit joar is der veur t eerst sunt laange tied weer de Grunneger Weke ien Westerwolde. Van 17 t/m 24 meert kin-je ien Westerwolde joe weer vernuvern mit kunst, cultuur, meziek, kuierpadjes, lezens en quizzen – en dat aapmoal ien Grunneger sferen. Ook viendt dit joar de 28ste Grunneger Schriefwedstried Westerwolde ploats.

Hol veur t pergram westerwolde.nl en de socials van de gemeente Westerwolde ien de goaten.

Taalcursus

Broescursus Grunnegs deur Piet Reitsema

Grunnegs leren? Dat kin! Ien Meertmoand Streektoalmoand organizeert CGTC op wonsdagoavend 29 meert n broescursus Grunneger taal veur beginners: Moak kennis mit t Grunnegs. De korte taalcursus wordt geven deur ain van de toaldocenten Grunnegs van CGTC: Piet Reitsema. Hai leert joe de boasesbegunsels van t Grunnegs. De broescursus begunt om 19.00 uur. De cursuslocoatsie wordt ain dizzer doagen bekend moakt op webstee van CGTC.

Mitdoun of meer waiten?
Kiek op cgtc.nl en cgtc.nl/cursussen_nieuw





Theater

Theatertour WAARK: Staait n Bisschop veur Stad

Noa n welverdainede winterstop is Theatergroep WAARK begonnen aan de tweede helft van heur theatertour. Mit t stuk Staait n Bisschop veur Stad speult WAARK ien Meertmoand Streektoalmoand mor laifst zeuven veurstellens ien onvervalst Grunnegs. t Stuk is n muzikale theaaterveurstellen mit grote verhalen van bekende en onbekende minsen tiedens t beleg van stad Grunnen deur Bommen Berend. n Luchtege veurstellen vol laifde, intriges, spanning en humor ien n historisch decor. De veurstellen is veur elkenain tougankelek. Ook as je nait oet Grunnen kommen of gain Grunnegs verstaan is t verhaal hail goud te volgen.

Veur meer infermoatsie over de veurstellen, doatums en locoatsies kiek op waark.nl.

Politiek

Roadsvergoaderns ien t Grunnegs

Ien Meertmoand Streektoalmoand komt de Grunneger taal ook oet bie de politiek. Verschaaiden gemaintes ien Grunnen geven heur roadsvergoaderns ien de moand meert n Grunnegs tintje, en de dailnemers worden oetdoagd ien t Grunnegs te vergoadern. Ook roadsleden dij de Grunneger taal nait machteg binnen worden prikkeld om t ais te woagen. De treditie van politici om ien Meertmoand Streektoalmoand ien t Grunnegs te vergoadern bestaait al sikkom vatteg joar, sinds de oproup van de Nedersaksische federatoatsie Sont aan de politiek ien 1986 (red. Nieuwsblad van het Noorden, 09 januari 1986). Aankom meert vergoadern onder meer de gemaintes Het Hogeland en Oldambt ien t Grunnegs, en der is ook roemte en aandacht veur streektoalmeziek en literatuur. Op 8 meert is Fieke Gosselaar, dichter en streektoalconsulent van CGTC, specioale gast bie de roadsvergoadern van de gemainte Het Hogeland. Ien roadszoal van t gemaintehoes ien Oethoezen vertelt ze over heur passie veur t Grunnegs, heur functie as streektoalconsulent en dragt ze veur oet aigen Grunneger literair waark.

Meer infermoatsie: kiek op cgtc.nl en op de websteeën van de verschillende gemaintes ien Grunnen.



Theater/Muziek

Tammo zingt Staal

Ien t theaaterconcert Tammo zingt Staal zingt Johannes Peetsma alias TikTok Tammo mit veul respect de meziek van streektoalzanger Ede Staal, ondersteund deur aigen humoristische verhalen oet de pervinzie. TikTok Tammo is bekend worden tiedens de coronapandemie mit zien video's op social media en is ien tied oetgruid tot ambassadeur van Stad en pervinzie. En mit recht, want hail t laand kent ondertussen de oetspraak 'Dikke bak met biet'n!'. In 2020 is hai verkozen tot Grunneger van t Joar, waarna hai bie de online editie van t Bevrijdingsfestival Groningen al enkele nummers van Ede Staal vertolkte soamen mit t Noordpool Orkest. Dat smouk noar meer, en daarom brengt Tammo nou de iconische nummers van Staal noar t theaater, begeleaid deur gitaar, pioano en accordeon. n Muzikale oavend mit n lach en n troan. Tammo zingt Staal is ien de Meertmoand onder meer te zain ien Kielzog theaater Hoogezand en Geert Teis ien Stadskenoal.

Meer waiten over de theaater tour van TikTok Tammo? Kiek op tammo.nu/theater

